



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

学校名称 : 博爱医院邓佩琼纪念中学  
Name of School : P.O.H. TANG PUI KING MEMORIAL COLLEGE  
剧名 Name of Play : 选举风云  
剧作者 Script writer : 江明心、集体创作

**故事大纲 Synopsis :**

两个好友组队参选学生会，却由合作变成拆伙，究竟胜负和友情，哪一方才更重要呢？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第一场**

(操场)

彤： 呀！我个黑眼圈呀！

Carman： 哗，你个黑眼圈搞咩呀，寻晚做贼呀。

彤： 做功课啰，一阵娜姐话要边份，都可以攞俾佢抄呀嘛。

Jasmine： 发梦啦你！抄都抄我嗰份啦。

彤： 梗系我嗰份啦！

(打交)

Carman： 做咩你哋今日咁积极架？

Jasmine： 你有睇 IG 咩？

Carman： 冇呀

Jasmine、彤： 唔系呀嘛！

Jasmine： 娜姐屋企间 café 今日开张。

Carman： 吓！

彤： 头十位顾客，可以免费食佢哋最出名嘅甜品。

Carman： 吓！

Jasmine： 百几蚊一份架！

Carman： 点解我会 miss 咗呢 D 嘢架？

(娜姐入)

Jasmine： (大声) 娜姐！

众同学： 娜姐！

众女同学： 你想要咩功课呀？ / 我借比你咩 / 你抄我嗰份啦。

娜姐： (大喝) STOP! (温柔)你地冷静 D，我对抄功课系好有要求架，唔认真、水准低、字体草率、平均分攞唔到 A 或以上既功课，我系唔会---「抄」架！

(心和嘉盈入，成成即变脸)

娜姐： good morning 呀。阿盈，送俾你嘅！

嘉盈： 做咩无端端送嘢俾我呀？

娜姐： 见到靚，咪送俾你啰！

嘉盈： 得喇得喇，你想要边份功课呀？

娜姐： 我想要 maths project，我老豆话我今次一定要攞到 B+ 以上架。如果唔系，一个星期冇零用钱架。

(嘉盈将功课拿出来)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

嘉盈: B+呀嘛, 咁你唔好抄咁足呀, 上次差啲俾老师捉到呀。

娜姐: 无问题啦, 转头俾返你。(娜姐走)

众女: 娜姐, 我都有呢份功课架!  
(众女跟着成成走)

阿心: 哗, 你就好啦。娜姐送礼物俾你呀。

嘉盈: 车! 你日日借功课俾佢抄, 佢都送俾你架。

阿心: 佢点会抄我嗰份呀! 你全级考第一, 佢点可以无咗你呀!(嘉盈打开盒) 哗, 只表好靚呀。

嘉盈: O K 啦。

阿心: (擺出嚟睇) 你就好啦, 成绩又好, 又受欢迎, 我都好想好似你咁叻呀!

嘉盈: 你钟意, 送俾你呀。

阿心: (还嘉盈) 你份生日礼物嚟喇。我呢世都唔会收到呢啲咁贵重嘅礼物。

嘉盈: 阿心, 你又无端端系度玩自卑! 我另外送份礼物俾你!

阿心: 系咩呀?

嘉盈: 就系, 「我」呢个咁「叻」既人做你好朋友啰! (做鬼脸, 大笑)

阿心: (笑, 作势要打他) 自大狂! (认真地) 其实...我真系好无用。

嘉盈: 唔准咁谗。

阿心: 我真系好想做番 D 嘢!

嘉盈: 支持你!

阿心: 真系?

嘉盈: 系。

阿心: 其实今次我真系好需要你支持架! 我想、我想.....

嘉盈: (鼓励) 你想...

阿心: 我想...(深呼吸) 好想...(欲言又止)

嘉盈: (不耐烦) 想乜嘢? 你讲啦!

阿心: 哎咗! 都系算啦! 根本就无可能!

嘉盈: 阿心啊! 你永远将啲嘢摆系个心度, 我系唔会知架。你试吓讲出嚟啦。

(轩从后出现)

阿轩: 学生会选举呀!

嘉盈: 你想参加学生会选举?

阿轩: 我寻日见佢企咗系张宣传海报度发晒咗豆咁, 就知佢想参加啦! 申请表都帮你擺埋啦。

阿心: 谗吓咋嘛。学生会选举嘞, 边有咁易组齐一队人。

嘉盈: 嘩! 有几难啫, 我一定可以帮你搵齐一队人。

阿轩: (不屑) 嘩! 懒巴闭! 我够得啦。阿心, 你参加我第一个撑你!

嘉盈: 我先至系第一个呀。

阿轩: 你极其量系第二个咋!

阿心: 喂! 你地唔好拗啦! 总之.....好多谢你地呀!

(娜姐行过, 女同学跟着出)

娜姐: 阿盈, Thank you! 抄咗八成咋。

嘉盈: 娜姐, 有嘢想搵你帮手。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

娜姐：                  讲嚟听吓。  
嘉盈：                  我地谗住组队参加学生会选举，想搵你一齐玩吓！  
娜姐：                  无问题呀。  
阿心：                  （开心）真架！  
娜姐：                  （向嘉盈）阿盈你做主席，我做副主席，咁就天下无敌啦！

（女同学们起哄欢呼）

阿轩：                  喂，我哋未定岗位架。  
阿心：                  （按着琪）岗位嘅嘢，可以慢慢倾既...  
嘉盈：                  系啦，不如我哋 lunch time 嗰阵再倾。  
娜姐：                  放学之后，直接去 Daddy 间 café 一边食，一边倾啦。  
嘉盈：                  去你 Daddy 间新店？唔好阻你哋做生意啦。  
娜姐：                  我哋系一 team 人架嘛，得啦，我请。顺便庆祝我哋组队成功。一阵 4 点 café 等。  
女同学们：              成成，我都想参加呀！ / 系呀，我都好想做学生会架！  
娜姐：                  O K，一齐参加。  
女同学们：              好嘢！  
娜姐：                  全部人，一阵，4 点见。

（娜姐及女同学们走）

阿轩：                  喂，嗰班人唔识架啫。我哋都有话俾佢哋参加。你个 Friend 当正自己系话事人呀？  
嘉盈：                  但系有成成嘅度，一定好多同学投我哋一票。  
阿心：                  唔紧要啦，我最紧要嘅系，有你哋两个一齐陪住我，咁就得喇。多谢你哋。  
阿轩：                  放心，我点都会撑你！  
嘉盈：                  我够会啦！  
嘉盈：                  快啲上堂喇。

（灯暗）

（开大幕）



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第二场**

(课室)

(阿轩带 2 个同学入)

阿轩： (向同学介绍) 我地就系系呢度开会架喇。(向心)阿心，我带咗 2 个同学嚟一齐参加。呢个系阿耀，呢个系小好。

阿心： 你地好，我系陈慰心。多谢你地帮手呀！希望你地系学生会玩得开心。

(看到白板上贴着的 logo 画)

耀： 哗，呢个 logo 画得好靚呀，边个画架？

阿心： 我画架。

小好： 你画架？画咗几耐呀？

阿心： 画咗成晚。

耀： 哗！你好劲呀。

阿心： 多谢。

小好： 我地而家系咪开会喇？

阿心： 仲争几个人未到，等埋佢地就得架喇。

阿轩： 佢地不𨵾都迟到架啦！我以我先搵你地 2 个之嘛。

耀： 放心啦！我地一定会帮到手。

小好： 系呀！我地一定会做到嘢架。系呢，我地而家有咩可以帮到手架？

阿心： 小好，你帮我写会议纪录，耀，你就帮我写低议程系白板咩。

(娜姐和嘉盈及众同学入，娜姐和嘉盈正在谈论设计)

娜姐： 哗！呢个 logo，我真系觉得好靚。你地话系嘛？

Jasmine: 娜姐亲手画嘅，一定最靚。

Carman: 呢个 logo，一个字，靚！

彤： 呢个简直系印象派嘅典范。

娜姐： 呢个可以话系我人生中最满意嘅作品。

阿轩： 喂，而家几点？

嘉盈： 对唔住呀，头先同娜姐喺 Art Room 画紧个 logo，所以迟左。

阿轩： 佢画？

娜姐： 唔得呀？

(二人吵起来)

嘉盈： 不如我哋开会先呀。

娜姐： 好呀！开会先嘍！

阿轩： 好呀！开会。

嘉盈： 阿心，今次个会交俾你喇。加油！

阿心： 加油！

娜姐： (望耀、小好)呢 2 个乜水嚟架？

阿心： 佢地系我地新加入既成员，呢个系阿耀，呢个系小好。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

嘉盈: (鼓掌)欢迎你地加入，咁我地而家开会呀。

阿心: 我地今日主要系倾设计 Logo，政纲同埋宣传方法。我寻晚都画左个 LOGO 设计图，大家俾 D 意见呀？

娜姐: 唔驶啦，用我嗰个！好，落下一个议程。

阿轩: 喂，而家唔系你最大架。

星星: 娜姐系未来副会长，你呢啲做康乐嘅，收声啦。

盈党: 收声啦！

嘉盈: 开会就系要有商有量嘅。不如大家一齐投票，公平的。

娜姐: OK！未来会长话事。

嘉盈: 呢张系娜姐。呢张系阿心嘅。

Carman: (看着心的设计) 哗！OK 喎。

(其他同学望住 Carman)

Carman: ...OK 啦！但唔及娜姐嗰张嘍。

Jasmine: 我哋投娜姐。

娜姐: 连埋我，4 票。

阿轩: 我地投阿心。

耀、小好: 我哋都投阿心。

阿轩: 连埋阿心，4 票。

娜姐: 得啦，你 4 票，我 4 票，就用我嗰张啦。

阿轩: 点解呀？

娜姐: 嘉盈实投我架，咁我咪 5 票嘍！

阿轩: 佢都无举手，点会系投你呀？

娜姐: 嘉盈，你投边张呀！

阿轩: 嘉盈，你投边张！

嘉盈: 我.....

阿心: 嘉盈，你想拣边张就边张。

嘉盈: 我投.....弃权票...

娜姐: 嘉盈，你讲多次？

嘉盈: 即系...我觉得两张都咁靚，唔知拣边张好，所以就.....

阿心: 唔紧要啦，就用娜姐嗰个张啦。

阿轩: 唔紧要？

阿心: 真系唔紧要。

嘉盈: sorry 阿心。

阿心: 唔紧要啦。我哋倾吓政纲，我有一个谏法。我哋可以帮同学争取，限制所有科目夹埋，每星期只可以比 3 次功课。

嘉盈: 三次？

阿轩: OK 额！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

嘉盈：功课系为咗巩固知识，我觉得学校唔会咁轻易答应。

娜姐：系啰，可行性咁低，讲嚟都无用啦！谗嘢都唔经大脑。

三手下：都唔经大脑既。

阿轩：你讲咩唔经大脑呀！

(两党人对峙)

嘉盈：(抢出来)不如咁呀。我地改为争取当 DAY1 气温超过 30 度，就取消操场集队吖。大家觉得点？

Carmen：好啱，操场早会我真系差 D 晒到晕呀。

Jasmine：呢个我都赞成，而家成日都酷热天气警告，操场集队真系好易中暑。

娜姐：嘉盈嘅 idea 咪有用啰。我赞成。

三手下：我都赞成。

小好、耀：我地都赞成。

嘉盈：阿心，你呢？

阿心：(沉默一会)我都赞成。

娜姐：OK！喺嗰声倾埋宣传手法啦。嘉盈，你上次啲咪话，喺个韩国网站见到 D 材料，可以订返嚟整啲小饰物俾同学呀？

嘉盈：系呀，我觉得亲手整，佢哋会感觉到我哋嘅诚意。

阿心：韩国货，会唔会好贵呀？

嘉盈：我搵到嗰间好平。

阿轩：派全校啱，平极个数都唔细啦。

娜姐：钱啫，有咩我包底啰。解决。阿盈，去食 Tea 喇。

阿心：如果要佢哋感觉到我哋嘅诚意，我认为我地可以演奏乐器，话比人知我地多才多艺。

嘉盈：但系我哋都唔多人识玩乐器。

阿心：唔识咪学啰！

嘉盈：乐器唔系一时三刻学到架！

(三手下取笑心)

(心低下头，深呼吸)

阿轩：嘉盈，你咩都唔赞成，你系咪想帮阿心架？

嘉盈：我而家咪帮紧佢啰。

阿轩：你 ban 紧佢呀。你唔信佢就唔信佢啦。

嘉盈：我唔信佢，就唔会同佢一齐选学生会啦。

阿轩：但系而家系你做咗主席啰。

娜姐：(指着心)佢唔系谗住做主席呀嘛，佢做，我唔玩架。

三手下：佢做我都唔玩啦。

阿轩：好呀！既然大家立场同理念都唔同，咁拆伙啰！你有你做，我哋有我哋做！

娜姐：一早就应该咁做啦。睇晒 D 时间啲度开会。

三手下：睇时间！

嘉盈：唔得！唔可以拆伙！我话咗要帮阿心架！阿心呀！你讲句嘢啦！

彤：系啦，你讲句野啦，你啲架？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

阿轩： 你话边个哑呀！

Jasmine： 唔讲野嗰个啰。(拉心)

阿轩： 你想点呀！

(大家嘈起嚟)

阿心： 够啦，你地唔好再嘈！阿轩讲得啱，我地再咁拗落去都无意思！我地拆伙啦。

嘉盈： 阿心呀。

阿心： 我地，拆伙。

(灯暗) (关大幕)